

元包經傳

四

元包數總義卷第二



蜀臨邛張 行成 述

元包數義

元包以坤先乾歸藏之易也易者變也天主其變包者藏也地主其藏天統乎體八變而終于十六易用四十九著者存掛一之數為大極則八六四十八者躰中之用也地分乎用六變而終于十二包用三十

元包一

數義一

一

六

六著者以共一之數為太一則六六三十六者用中之用也太元本三十六著亦地數也地虛三以扮天故用三十三掛一而三十二則四八之數地之躰也元之為書以一元行乎地之四躰之間四躰即方州部家是也故元之掛一有天用地之義而虛三有地承天之義若元包三十六不掛不虛而每揲存二十四則八卦用於地上

者也。是故乾三奇。震坎艮各得其一。巽離
兌各符其二。則十二畫也。坤三偶。巽離兌
各得其一。震坎艮各得其二。則二十四畫
也。陰陽之畫共三十六。以陰之二。載陽之
一。則三十六盡為用矣。故易老陽之策。極
于四九。而包以六六。用之。易以兩卦相重
而後。天地合包。亦以兩揲相通。而後九六
均是。故卦數自一至八。凡三十六重之。而

素

數義二

二

七十二。一揲之。著合乎單卦之數。兩揲之
著合乎重卦之數。五行之數。五十有五。自
三十六言之。五行盈於八卦。十九當閏數
之物。自七十二言之。八卦盈於五行。十七
當運數之氣。以八歸五。氣類相從。則乾兌
為金。坤艮為土。震巽為木。坎為水。離為火。
吉凶順逆占法。由生故曰三十。有六取數
於乾坤五行八卦。卦同符合契也。其法分而

爲二以三揲之左右各存三四十二者所謂營之以四以象四時也常存此數不用者坤之二十四氣爲萬化之基易存四卦之義也餘十二著則爻數與歸奇數也爻數不九即六歸奇數不六即三爻數得九者陽畫也歸奇數則三矣爻數得六者陰畫也歸奇數則六矣陽畫九而歸奇三用者三不用者一也陰畫六而歸奇六用不

用各半也三畫皆陽者乾也皆陰者坤也二陽一陰者三女也二陰一陽者三男也三畫皆陽其數二十七重之而五十四者六九也三畫皆陰其數十八重之而三十六者六六也二陽一陰其數二十四重之而四十八者六八也二陰一陽其數二十重之而四十二者六七也此八重卦之本數亦六七八九之數而以六爲主者也

大衍六七八九之數以求爻也爻者用也
六七八九皆祖乎四者用生乎躰自四揲
而來也元包六七八九之數以求卦也卦
者躰也六七八九皆祖乎六者躰生乎用
自六爻而來也以用為主故易爲天以躰
爲主故包爲地也乾之一卦得五十四歸
奇一十八坤之一卦得三十六歸奇亦三
十六三男四十二歸奇三十三女四十八

歸奇二十四以五十四合三十六則九十
也以四十八合四十二亦九十也以十八
合三十六則五十四也以三十合二十四
亦五十四也故元包八卦爻數合之爲三
百六十歸奇數合之爲二百一十六揲之
而五百七十有六得先天八位之卦數與
大衍除掛一而用四十八著十二用之數
正同所不同者大衍以四爲一故兩卦相

偶用不用之數即得五百七十有六元包
以一爲一比大衍數四分僅得其一蓋大
衍兼用七八九六分于男女者太極用八
卦天地之數也元包專用九六宗于父母
者八卦自用人物之數也是故大衍五十
之虛一天之虛之極也四十九之合一地
之有之極也四十九之掛一人之用之極
也在四十八用之外元包以共一爲太一
是四十九合一之義爾揲之以三爲三才
在三十六用之內故易揲之以四以象四
時備四躰而致用者天用地也包管之以
四以象四時存四躰而不用者地用物也
此所以大小不同也元包存本之數每揲
二十四一卦六揲而百四十四凡六十四
卦九千二百一十有六則大衍五百一十
二卦之著存乾坤坎離四卦不用之策數

也包所存之數亦地之本數故與大衍同
大衍從天故又有掛一之數三千七十二
包四分得其三乃地之用數也包八卦之
數乾五十四而八之則四百三十二坤三
十六而八之則二百八十八三男四十二
而八之各三百三十六三女四十八而八
之各三百八十四乾歸奇數十八而八之
則一百四十四坤歸奇數三十六而八之

則二百八十八三男歸奇數三十而八之
各二百四十三女歸奇數二十四而八之
各一百九十二摠卦數計二千八百八十
則三百六十之八也摠歸奇數計一千七
百二十八則二百一十六之八也一千七
百二十八則七十二之二十四二千八百
八十則七十二之四十共六十有四以地
之躰十六析之卦數得其十歸奇得其六

皆二百八十八也以先天準之卦數之十
爲離之顯仁則開物八万六千四百之數
歸奇之六五爲坎之藏用則開物四万三
千二百之數一爲存本則八千六百四十
之閏數然先天視元包皆三十倍矣此元
包與大衍先天之合也所謂八卦自用者
陰陽分爲八位各以八卦變七卦自一世
至五世遊竟歸竟而卦躰復各守本躰其

一不變故曰八卦自用其數也今世卜筮
所用火珠林即是此法而其文不雅先生
著書欲傳此一法於後世爾非爲文也分
而爲二自左揲至右終而爻見奇則復歸
于左故曰數之閏也在於左陽之動也數
之萌也在於右陰能生也大衍四十九著
各以一卦變六十四卦其數之變至于十
十五萬五百二十八則每著得三千七十

二元包三十六著各以八卦變八卦其數之變至于一萬三千八百二十四則每著得三百八十四三千七十二者三百八十四之八也

大衍四十九著

此言第三變五百十二卦之數者先天數也若第二

變六十四卦之數則每著止得三百八十四揲掛一歸奇用策得一萬八千八百十也六也

先除掛一一著計三千七十二存天之太

極也

再除三揲三掛三著計九千二百一十六

為乾坤坎離四卦之數存地之太極也

實用四十五著以應一卦當一節之數計

一十三萬八千二百四十則六十四卦三百

六十爻每爻用三百八十四地生物之數也

元包三十六著

先除二十四著計九千二百一十六則乾

坤坎離存本之數也

大衍存四卦之數在十三萬八千二百四

十之外者太極之地數也元包存四卦之數在一萬三千八百二十四之內者物之

地數也

餘一十二著之用卦數通歸奇計四千六百八則震巽艮兌反復迭用之數也易之著四十八而策窮于三十六者乾與坤坎與離反復不互見為四卦故各當十二震巽艮兌反復互見為二卦故共當十二而

十一

數義二

九

元

十二常不見是故元包之著三十六存二

十四不用之外所用者十二而已一萬三

千八百二十四析而十之即一十三萬八

千二百四十地之生物全數也九千二百

一十六析而十之則九萬二千一百六十

地開物之數也四萬六千八百析而十之即

四萬六千八十地閉物之數也開物者易

用策之數閉物者易歸奇之數歸奇之數

易之物數也蓋全數十二會三分之天地

各用其一餘一分以為人物也

兩揲七十

二十四者存坤之躰也歸奇共九策者存乾之用也通之用五之三不用十九之三

者用其冲氣存其物躰也

存本數每卦百四十四歸奇數均之每卦

二十七用策均之每卦四十五以歸奇合

存本每卦一百七十一則太元九章之數

者閏數也以用策合存本每卦百八十九

二六

數義一

一

合之而三百七十八則太元五日三辰之

策者餘分數也以用策併歸奇每卦七十

二則太元一日之策數者晝夜之數也

周易太元元包潛虛著數義

易三微成著三著成象二象十有八變而

成卦者謂揲著法也三微成著者謂三揲

歸奇三多三少與兩少一多兩多一少三

微之氣已成一象則爻之微象也著謂爻

也天三變成一象于上而六七八九之數
成一爻于下故謂六七八九爲四象也三
著成象者三爻旣具得三畫一卦爲地之
一象則卦之著象也著象相交乃成一重
卦矣四十九著除掛一之外以四揲之得
一十二奇數得四三四四四五四六用數
得四六四七四八四九老陽用者九不用
者三少陽用者七不用者五少陰用者八
不用者四老陰用者六不用者六奇數通
掛一則老陰用者以四爲一而得六不用
者以五爲一而得五少陽用者以七爲一
而得四不用者亦以七爲一而得三老陽
少陰之奇通掛一則不可分矣六七爲本
屬乎天八九爲標屬乎地地之奇數不可
分者宗于一天也先生曰陽不窮九陰不
極八明大衍不可過者著爲天數故也并

而均之則用策一爻皆三十者天五地六
之二中竒策一爻皆十九者天九地十之
二終也并兩卦用策得三百六十當一期
之日并兩卦去掛一之竒策得二百一十
六當重乾之策三十六者老陽之數也三
百六十者十之也二百一十六者六之也
數有十天以四爲躰地以四爲躰天兼二
用故天六而地四兩卦竒策得老陽之六
者天之三微變于上而後地之四象化于
下地之四象未見故用六也兩卦用策得
老陽之十者地以四躰承天六用載元氣
而左行以成一歲之日故用十也六者二
三也得其三天十者二五也兼三天兩地
矣其掛一之著一十二以代虛一之著一
十二旣揲成卦則虛一之著卽爲一卦十
二爻之本躰皆不用而用以之宗者也是

故六十四卦用策方一千五百二十得三百八十四之三十奇策七千二百九十六得三百八十四之十九通爻躰三百八十四爲七千六百八十乃得三百八十四之二十用者三十爲天數託於地以顯諸仁奇者二十爲地數歸於天以藏諸用通之爲大衍五十易倚天地正數而立之之數所謂三天兩地而倚數者也

係辭以乾坤之策當期之日者起於一爻均得三十策爲一月而十二之故後天軌革以卦當年以爻當月以策當日也康節謂一爻爲一策者以用卦六十之爻與乾坤之策數同故後天卦氣圖以六十卦直三百六十日也係辭以二篇之策當力物數者三百六十爲一年積一世三十年得方有八百加閏數七百二十成三十二年

以三十二之數而均于三十則年得三百
八十四日三百六十爲天道六變之正餘
二十四爲中盈朔虛之分月得二日也三
百六十者去閏之數也故當暮之日者用
數也加二十四者通閏之數也故當方物
之數者躰數也閏數爲物數歸奇以象閏
故亦爲物數閏數爲物數者自餘分言之
天之餘以與物自十九言之天地之終則
爲物也二百二十八者十二爻之奇策二
百一十六而加十二積策成爻爲天之微
象則未成物者也三百八十四者六十四
卦之爻數三百六十而加二十四積爻成
卦爲地之著象則已成物者也天用六變
餘分六日以與物陰又於六變之中克其
六日共爲十二以成十二辰之躰在天當
十二次在地當十二野皆物之躰也故乾

坤二卦掛一之著十二以代虛一之著十
二而當十二氣之用應之以十二爻則十
二物之躰也天一而二地二而四故閏之
本躰在年數者六而十二當乾坤二卦之
爻在月數者十二而二十四當乾坤坎離
四卦之爻陰陽合德剛柔有躰是爲十二
物之根種與天地同分子太極所賴以生
生不窮者也其二卦之竒策二百一十六
爲天之六其二卦之用策三百六十爲天
地之十則歲常用之以生成此十二物故
掛一象三其著十二在竒策則成二百二
十八偶之爲二十四而在用策則成三百
八十四皆爲物數也二百一十六爲老陽
之氣六變得坤之百四十四陽以陰凝而
後歲功成物矣其竒策二百一十六則未
成物也是故二百一十六當自子至午七

月而加餘分之日百四十四當自未至亥
五月而减小月之日坤位在未地道代終
故坤作成物也先天卦數六十四卦得五
百七十六則二卦去掛一之著數也著天
也故通掛一數地也故去掛一著爲實獨
用其顯故用其用數數爲虛兼用幽顯故
盡用五百七十有六也二卦用策以當三
百六十爻則一卦成三十卦二卦去掛一

率

數二

十六

之策以當五百七十六數則一卦成三十
二卦亦用數不通閏躰數通閏之理也五
百七十六得三十六之十六則八卦而一
卦變八卦之數也用數得其二六則六子
之六卦數四百三十二也躰數得其四則
乾坤之二卦數百四十四也位數在地坎
離主之乾坤退藏六子用事是故乾坤合
躰共當坤之策六子通用再得乾之策也

五百七十六在爻則用十而存六在數則用十二而存四者天地之分日辰之用不司是故經世之位十六地常晦一從會而用十二也

著去掛一而四十八爲十二之四老陽之策三十六以四九之躰爲六六之用則用之者三不用者一也太元之著三十三於老陽用策之中地虛三以拼天天用三六

地用三五爲天地相交而互用者也元用易著四分之三故天有四方元有三方數皆自三而變者去其不用之一以當北方罔冥之一元而用其直蒙酋之三方以當天地人之三元也天統乎躰躰者有四地分乎用用者有三易爲天用地之數故用四而別虛一掛一于四躰之外元爲地承天之數故用三而又虛三掛一於三用之

內也用數之中自分用與不用則亦用之者三不用者一是故元著極用不過三九其虛其掛其竒并之而不用一九也夫自躰言之四而用三自用言之又四而用三所謂地常晦一故地躰十六用其十二而十二又用其九也易以四揲者從地之四象也三揲成一爻者太極元氣含三爲一天之三也六爻爲一卦者用之六也易即用六爻者躰用合一也所謂從躰起用故爲天用地也元以三揲者從天之三元也兩揲成一重者陰陽合德剛柔有躰地之兩也四重爲一首者躰之四也元別用九贊者躰用分兩也所謂去躰從用故爲地承天也易三揲之竒一揲不五則九再揲三揲皆不四則八者天除其一地除其二也元兩揲之竒皆不三則六者地除其二

也易通三揲而奇十九得天九地十之數
元通二揲而奇九得天九而已故易爲天
包地元爲地承天也易一卦之奇得十九
之六并之而一百十四得元一首四揲之
暗數元之四重者地之四躰也其初揲之
暗數者地中之虛用故當物數也元一首
之奇得九之四并之而三十六得易一爻
老陽之策數乾之六爻者天之六用也其
老陰之策數坤之六爻者地之六用也其
一爻之策數者天元之本始故當日數也
無非天用地地承天之理也元之著本用
老陽之策四之九虛其三則爲三之十一
用二十七者爲去二用九用二十四者爲
去三用八用二十一者爲去四用七是去
其二三四之九而用其七八九之二十四
也九者乾也去之以存九天之用二十四
者坤也用之以立四重之躰也易揲以四

元揲以三揲去其一著易用六七八九之
策元用七八九之策去其六之一數六者
坤之數是爲不用之一其實則方州部家
所以載其躰其虛則元之所生也易去其
三四五六之數用其六七八九之策天四
地四中交共一則從天之七四者躰也中
交所以起用故離之則四十八者爲先天
八卦六爻之躰合之則四十二者爲經世

日月一變之用也元去其二三四之數用
其七八九之策天三地三中虛五六則成
地之八三者用也中虛所以生躰故虛之
則三十三者爲太元虛三承天之著實之
則四十四者爲觀物陰陽剛柔之數也
元包三十六著者用乾四九之躰爲坤六
六之用故以坤爲首存其四六用其二六
則三分之中用一而存二也老陽之數三

十六進之爲三十六旬一年之中開物之
日二百四十則天地生物之數爲天地之
用閉物之日一百二十則物已成躰致用
之數爲万物之用是故經世以開物八月
爲生物之數於閉物四月之中取交數餘
數十二以爲閏數則物數也元包三分用
一是爲物數故主八卦兼五行而用也用
數之中又自分用不用析十二爲四分用
不用各半者爲坤之六去一用三者爲乾
之九并之則八分之中不用其三者存其
三天用其五者用其三天兩地也大抵與
易之理皆合然易用六者爲四六二十四
用九者爲四九三十六歸奇不用三天者
每卦得一百八爲三十六之三策數用三
天兩地者每卦得百八十爲三十六之五
易以四爲一者包以一爲一易以四九爲

一者包以一九爲一易爲地歸奇於天包爲物歸奇於地是故易爲天地之大數包爲人物之小數也

元包曰易用七七極少陽也包用六六窮老陰也明大衍之不可過也是故易元包不越五十之數然而潛虛用七十著何也曰坤當百數故十數之衍得百位易用其半虛一以從天七之用元爲地承天而

布氣之數包爲地配天而載物之數故皆不過乎易數也虛與包皆爲物數然包於元者獨指地之元氣潛於虛者兼太極之氣與神故包名書以元首卦以坤而虛名書以虛首圖以氣也太極判而生天地天地交而生万物天與其氣以載神地與其形以載氣是故虛於百數之中十取其七而用之在七則躰地之十在十則用天之

七所以躰用十數名用七變而著用七十也易用七七而虛一者存太極也虛用七十而虛五者存五氣之元也易爲天數虛爲物數易躰三才六位虛躰五行十數也虛實用五變者天之五也并始終而七變則天之盈數也躰用五行之十數者地之二五也并合數而十九則天地之終數也躰極十九用極于七故易初揲之奇均一

二十步

心數二

二十一

五

爻而七并三揲均之而一爻盡于十九歸奇若閏數是以月行一日之餘得十九分度之七而經世動植數聲數每位而七音數三位而十九也經世有三數潛虛得其物餘二者則天地之數也

元包數總義卷第二終



壬戌之秋
沈氏家藏
沈氏家藏

沈氏家藏



